

**Zeitschrift:** Nebelspalter : das Humor- und Satire-Magazin  
**Band:** 88 (1962)  
**Heft:** 40

## Werbung

### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 05.04.2026

**ETH-Bibliothek Zürich, E-Periodica, <https://www.e-periodica.ch>**



«Nein danke - ich rauche nicht mehr. Bin mühelos Nichtraucher geworden.»

**NICOSOLVENS**

Nikotin-Entgiftungskur  
in 3 Tagen

Aufklärende Schriften durch Medicalia, CASIMA, (Tessin)

**Das neue Bö-Buch:**

**Bö-iges**  
aus dem Nebelspalter

Keine besondere Empfehlung brauchen Bö's Nebelspalterzeichnungen samt den meist dazugehörenden Reimen im unnachahmlichen helvetisch-schriftdeutschen Jargon. Diese knappst gefaßten «Leitartikel», die unseren Schwächen so heiter zu Leibe rücken, sind letztlich von tiefem Ernst, ja von Sorge getragen.

Basler Nachrichten

In Halbleinen gebunden Fr. 10.—. In jeder Buchhandlung und beim Nebelspalter-Verlag Rorschach erhältlich.

## Dar Hitsch varzellt:



Khasch as glauban odar nitta

Ma muaß mengmool abitz in dar Wält umanand raisa. Wemma immar zwüschat da Bärga dinna hockha blibbt, so wird halt au dar gaischtig Horizont immar khliinar. Also hanni im letschta Summar miins Zaabürschтали in da Wäschblätz iinagwicklhat und bin looszittarat. Ga Frankhriich duura. I hetti zwoor fasch nitt raisa khöna. Well miina Eehering niana mee ummagsii isch. I hanna halt nia aa. Well är mii bejm Schaffa schtöört. Abar ooni Eehering khasch doch nitt ga Frankhriich duura! Uusgeschlossa. Tenkhand au, wenn miar a Bekhannta beegenat wääri! Schu wääri zGschnörr ummä gganga: «Ahha. Khaum isch dar Hitsch über dar Grenza deena, hätt är schu siina Eehering im Schileetäschli dinna!»

Nu, noch langam Suache hanni denn dar Khoga im Hemparkhnöpfli-Schächtali dinna gfunda. Und bin denn also loosgraist. Khwaasi, zum miins Franzöösich uufzfrische. Und ebban au mägam Horizont. Well i dar Atlantikh no nia gsähha hann, bini zu imm duura gfaara. I hanna abar nitt aatroffa. Är hätt si nemmli gad zruggooga khaa. Witt und brait hanni nüüt gsähha als a tüüfshwarza Schlamm. Nu, i hann gliich miini Baadhoosan aaglait und bin in dä Schlamm iina gwattat. Fasch khnüütüüf bini iigsunkha und bej jeedam Schritt härts gsötschgat wia wenn a Khua bejm Suufa wääri. Aso hundart Meetar witt dussa bini uff a Khwalla gschtoofa. An uvarschemmta Khoga! Sihhar öppa viarzig Santimeetar Durchmässar. Ussart im Zoo hanni no nia a sötigs Tiarli gsähha. Und au dött nia aini vu därre Gröößi. Zeersch bini zwaimool vorsichtig um dä gwagglig Huufan ummagloffa und hann dar schpäckhig Ruggan abitz aaglangat. Dua hanni miar gsaid, kheersch dä Brockhan amool um, damit gsächsch, wian a sötigs Tiarli unnaduura isch. I hann zwoor gwüßt, daß dia Viihar aim uff dar Hutt brenna tejandi, hann abar trotzdem fräch untar das Tiarli untara glangat und hann aagfanga trääha. Vor lutar Naturwüssaschaft hann ii Ggalööri vargässa, reschpekhtiiive nümma gmärkht, wiaschlipfarig dä Schlamm gsii isch. Also, i schlipfan us und flüüga mit da Händ voraa über dia Khwalla in da Schlamm iina. A Schwii, wo gad in dar frische Gulla bbaadat hätt, wääri suubar gsii gääga mii! Allas ai schwarza

Schlamm, vu da Zeeba bis zum Halszäppli uff! I hammi probiart aswiiivil apzputza, hann dAarma und dHend apgeschüttlat und woni an da Fingara umma gribblat hann, hanni uff aimool gmärkht, daß miina Eehering varschwunda gsii isch! Apgschüttlat odar apgschtraift. Wägg, in da Schlamm iina! Jetz sölli aina abar amool probiara im halbmeetartüüfa Schlamm vum Atlantikh a Ring zfinda! I hanns solang probiart, bis dar Atlantikh zrugg khoo isch gö zualuaga. I hann därre blööda Khwalla a Schparz ggee und hammi voram Ozean ans Land zruggooga. Anama Brünnali hanni mii gwäscha so guat as ggangan isch, hammi aaglait und bin ins nöögschta Paizli iina.

«Mössjöo, ön Ghafee ggräm silwuplää», hanni mitama liichta Khuarar Aggsaan gsaid, und dar Khällnar hätt mii sofort varschtanda. Hinnadrü hanni no «ün biäär» pschtellt, welli nümma gwüßt hann, was «a Zwaiarli Aalta» uff franzöösich heißt. Und hann miinam Ring noohaschtudiart. Was mahaha? Hairaisa, zrugg ins Wälschdörfli? Nocham füüfta «biäär» hanni mii entschlossa, zFrankhriich zblüiba. Halt ooni Ring. Drej Wuhha bini umanandargloffa, dia lingg Hand immar im Hoosasackh. As isch miar nitt schwäär gfalla, welli dHend sowiso immar in da Seckh dinna hann.

Uff dar Hairais hanni zZürri im Baahoopfüfee ains zooga. Zuafällig isch dar Fritz Herdi au inna-khoo. Dä, won im Nääbälschpaltar dinna schribbt. Miar hend abitz dischgariart und ii hann imm dia Gschicht vu miinam Eehering varzellt. Är hätt ganz kharioos ggrinst und – zwai Taag schpötär hätt dar Khoga miins Päch im Taagasaazigar varzellt. Abar natüürli asoo, daß jeeda hätt müassa märkha, dar Ring sej sihhar nitt mäaga därre toota Khwalla varschwunda. Eehandar usäm Schileetäschli ussa ... Und übaraal, won ii das Gschichtli varzellä, said ma miar am Schluß: «Hitsch, du häsch a blüahandi Fantasi. Khwalla wääri miar nia in da Sinn khoo!»

25. JAHRE

Das ist nun mal das Los der Welt: Die Börse steigt, die Börse fällt ... (Ein Kombi-Los ist eine ausgezeichnete Anlage!)

**5 Haupttreffer**

INTERKANTONALE LANDES-LOTTERIE